

TO`SHKENT HAQIQATI

1928-yil 11-dekabrda asos solingan

@haqiqatonline_24

Haqiqat online

haqiqatonline_



QR-kod

МАРКАЗИЙ САЙЛОВ КОМИССИЯСИНИНГ МУДДАТИДАН ИЛГАРИ ЎЗБЕКИСТОН РЕСПУБЛИКАСИ ПРЕЗИДЕНТИ САЙЛОВИ ЯҚУНЛАРИГА БАҒИШЛАНГАН МАЖЛИСИ ТЎҒРИСИДА АХБОРОТ

Ўзбекистон Республикаси Марказий сайлов комиссиясининг мазкур мажлисида 2023 йил 9 июль куни бўлиб ўтган муддатидан илгари Ўзбекистон Республикаси Президенти сайлови натижалари тўғрисидаги масала кўриб чиқилди.

Қайд этилганидек, Ўзбекистон Республикаси Президенти сайловида сайловчилар рўйхатига киритилган фуқароларнинг 15,6 миллиондан зиёди ёки қарийб 80 фоизи ўз хоҳиш-иродасини эркин ифода этиб, ўзи муносиб деб билган номзодга овоз берди.

Мажлисида 2023 йил 9 июль куни ўтказилган Ўзбекистон Республикаси Президенти сайлови яқунлари бўйича баённома тузилди ҳамда сайлов натижаларини тасдиқлаш тўғрисида қарор қабул қилинди.

Жумладан, сайловда овоз беришда иштирок этган сайловчиларнинг 87,05 фоиз овози билан Шавкат Миромонович Мирзиёев Ўзбекистон Республикаси Президенти лавозимига сайланганлиги тўғрисида қарор қабул қилинди.

Шунингдек, Ўзбекистон "Адолат" социал-демократик партиясидан номзод Робатхон Анваровна Маҳмудовага сайловчиларнинг 4,43 фоизи, Ўзбекистон Халқ демократик партиясидан номзод Улуғбек Илёсович Иноятовга 4,02 фоизи ва Ўзбекистон Экологик партиясидан номзод Абдушукур Худойқуллович Ҳамзаевага 3,74 фоизи ёқлаб овоз берилганлиги баённомада акс эттирилди.

Бундан ташқари, мажлисида муддатидан илгари Ўзбекистон Республикаси Президенти сайловига тайёргарлик кўриш ва уни ўтказиш даврида Марказий сайлов комиссиясига келиб тушган мурожаатлар тўғрисидаги масала ҳам кўриб чиқилди ва тегишли қарор қабул қилинди.

Марказий сайлов комиссияси
Матбуот хизмати

Президент сайлови: ХАЛҚИМИЗ ЕТТИ ЎЛЧАБ, ЕТТИ ЙИЛГА ЕТАКЧИ ТАНЛАДИ

Мамлакатимиз ҳаётида муҳим воқеа – Ўзбекистон Республикаси Президенти сайловида ҳамюртларимиз юксак сиёсий фаоллик кўрсатишди.



Хусусан, вилоятимиздаги 1 миллион 810 минг 281 нафар сайловчининг 1 миллион 428 минг 475 нафари муҳим сиёсий жараёнда қатнашишди. Улардан айримларининг фикр-мулоҳазаларини ёзиб олдик.

2

Бизнинг суҳбат

ЖАМИЯТ ТАРБИЯЧИСИ, ИСЛОҲОТЛАР ТАРҒИБОТЧИСИ

Бугун мамлакатимизда том маънода очкичлик сиёсати ҳукм сурмоқда. Халқ билан мулоқот, ахборот маконининг тобора кенгайиб бораётгани мамлакатимизда журналистларни ҳар тарафлама қўллаб-қувватлаш, уларга муносиб шарт-шароитлар яратиш, ҳуқуқ ва манфаатларини ҳимоя қилиш, ижтимоий таъминотини яхшилаш каби бир қатор долзарб масалалар кун тартибига чиқди ва улар давлатимизнинг кундалик эътиборида бўлиб турибди.

Бу масалалар яқиндагина юксак савияда бўлиб ўтган умумхалқ референдумида яқдиллик билан қабул қилинган янгиланган Конституцияимизда ҳам ўз аксини топган.

Ўзбекистон Журналистлар уюшмаси Тошкент вилояти бўлими раиси Раҳматилла Шералиев билан суҳбатимиз шу хусусда кечди.

– Ўзбекистон Республикаси Президенти Шавкат Мирзиёев ҳар сафар ўз чиқишларида оммавий ахборот воситалари вакилларига жуда юқори баҳо беради. Жумладан, "Журналист ҳамда блогерлар жамиятини ва амалдорларни "тарбия қилаяпти". Ижро органи раҳбари бирон қарор қабул қилишдан олдин илгари ҳеч нарса ўқимасди, ҳозир камиди 10 марта ўқийди. Журналистлар менга қандай баҳо беради, блогерлар нима дейди, деган саволларни ўзига берапти. ОАВ вакиллари ислохотларимизга жуда катта ижобий таъсирини кўрсатаяпти", деди яқинда давлатимиз раҳбари.

Биз ўта мураккаб даврда яшамоқдамиз. Медиа маконда, ахборот бозорида рақобат кучайганидан кучайиб бормоқда. Бугунги ахборотлашган жамиятда мультимедия маҳсулотларига бўлган эҳтиёж тобора ортмоқда. Глобаллашув жараёнида ахборотнинг кўпчилиги ва тарқоқлиги уни қабул қилувчиларга ҳам таъсир кўрсатмай қолмаяпти.

3

Қисқа сатрларда



ТОШКЕНТ шаҳри ва ТОШКЕНТ вилоятида ноқонуний чикинди ташланадиган жойларга 200 та замонавий камералар ўрнатилмоқда.

АНГРЕН ва ОҲАНГАРОН шаҳарларида автоўлчилар учун база қурилади.

ОҲАНГАРОН туманида чорвачиликни ривожлантириш учун Жаҳон банкидан йирик миқдорда маблағ ажратилди.

ТОШКЕНТ туманида 150 гектардан зиёд ер майдонлари дафтарлардаги фуқароларга бўлиб берилди.

Вилоятда 4 мингга яқин хотин-қизларга ўқишга кириши учун тавсияномалар берилди.

ТОВУҚЛАР ГОЛЛАНДИКИ, ШАРОИТ GERMANНИКИ, даромад ЎЗИМИЗНИКИ



Бугунги кунда паррандачилик даромадли йўналишлардан бўлиб қолди. Таҳлилчиларнинг фикрича, жаҳоннинг етакчи давлатларида ҳам паррандачиликка катта эътибор қаратилмоқда. Чунки, айнан шу соҳа аҳолининг озиқ-овқат хавфсизлигини таъминлаш, истеъмолчиларнинг гўшт маҳсулотларига бўлган эҳтиёжини қондириш, қолаверса, қишлоқларда одамларнинг бандлиги масаласига сезиларли ҳисса қўшмоқда.

3

Эътибор берганмисиз, ҳар бир ҳудуднинг ўзига хос деҳқончилик йўналиши бор. Қайсидир туман боғдорчилик билан доврўқ қозongan бўлса, бошқасида кўкат етиштириш яхши йўлга қўйилган. Яна бири сабзавотчиликка ихтисослашган. Баъзи ҳудудда яшовчилар эса юқоридаги омилкорликнинг ҳаммасини бирваракайига ўзлаштириб олган. Янгийўл тумани аҳолисининг деҳқончиликда ана шундай хос анъаналари бор.

Ўзимида БОҒ

Шу кунларда тумандаги "Шодлик" маҳалласига борсангиз, айна пишиқчилик устидан чиқасиз. Бир томонда қовун-тарвузлар узилётган бўлса, боғларда олмалар ғарқ пишган.

Дилмурод Сулаймонов 30 йилдан бери деҳқончилик қилади. 6 гектар ерда етиштирилган қовун-тарвуз май ойининг ўрталаридан бозорга чиқарилмоқда.

– Юртимиз шундай диёрки, тупроғида зар унади, об-ҳавоси мўътадил, оқар сувлари экинларга жон бағишлайди, – дейди Дилмурод Сулаймонов. – Биз деҳқонларга ерга меҳр қўйиб, парварिश қилиш қолган, холос. Бугунги кунгача 70 тоннадан зиёд тарвуз, 20 тоннадан ортиқ қовун уздик.

Дилмурод ака бу йил да-

ласига юртимиз олимлари томонидан яратилган қизил қовуннинг янги "DAR-F1" навини синов тариқасида эқди. Айтишича, кўчат яхши мослашди, ҳосилдолик ҳам қўшилгандай натижа берди. Қовун-тарвузлар дала бошидаги машиналарга ортилиб, пешма-пеш бозорларга жўнатилмоқда.

4



Президент сайлови: ХАЛҚИМИЗ ЕТТИ ЎЛЧАБ, ЕТТИ ЙИЛГА ЕТАКЧИ ТАНЛАДИ



БАРЧАГА БАРОВАР БУРЧ

Ўзбекистон Республикаси Президенти сайловини ўтказувчи 10-Тошкент вилояти сайлов округи ҳудудидаги 968 та сайлов участкаларининг барчасида овоз бериш жараёнлари бўлиб ўтди.

Хусусан, Нурафшон шаҳридаги "Деҳқонobod" маҳалла фуқаролар йиғинида жойлашган 7-сайлов участкасида ҳам фуқаролар ўз хоҳиш-иродасини эркин ифода этиб, жараёнда яқдиллик билан қатнашишди.

Тошкент вилояти ҳокими Зойир Мирзаев ҳам оила аъзолари билан мазкур сайлов участкасига келиб, ўзи муносиб деб билган номзодга овоз берди.

"ИЛК БОР ОВОЗ БЕРДИМ"

Манат ТОҒАЙБЕКОВ,
18 ёш, Ўрта Чирчиқ туманининг "Дўстлик" маҳалласида истиқомат қилади:

– Сайловда илк бор қатнашдим. Очиги, бироз ҳаяжонландим. Партиялар ва номзодларнинг дастурлари билан танишиб чиққан бўлсамда, ҳулоса қилишга шовилмадим. Энди менинг овозим ҳам аҳамиятли эканидан хурсандман. Дадил бўлиб, ўзим ишонган номзод учун овоз бердим.



МАСЪУЛИЯТ ҲИССИ

Шаҳноза БОЛТАБОВА,
Республика "Беш ташаббус" олимпиадаси совриндори:

– Мамлакатимизда спорт ва спортчиларга яратилаётган имкониятлар йилдан-йилга яхшиланмоқда. Яқинда Бухоро вилоятида бўлиб ўтган "Беш ташаббус" олимпиадасида жамоамиз билан қатнашиб, фахрли 2-ўринни қўлга киритдик. Овоз бераётганимда ўша шохсудаги ҳаяжонни ҳис қилгандек бўлдим. Албатта, бу дахлдорлик ҳисидир. Мен Ватанимни, юртимни, халқимни ва спортни яхши кўраман. Шунинг учун ҳам сайловда масъулиятни ҳис қилиб қатнашдим.



"ИСЛОХОТЛАРДАН МАМНУНМАН"

Ўттам УМРЗОҚОВ,
Янгийул тумани Тиббиёт бирлашмаси шифокори:

– Тиббиёт соҳасида 36 йилдан бери фаолият юритиб келаман. Бугунги шароитлар ўн йил аввалгисидан катта фарқ қилади. Биргина бизнинг туман тиббиёт бирлашмасида барча ускуналар ва жиҳозлар янгиланди. Кадрлар малакасига алоҳида эътибор қаратилмоқда. Ойлик маошларимиз ҳам кўтарилди. Бунинг барчаси юртимиз тинчлиги, мамлакатимизда ислохотларнинг тўғри олиб борилаётганидандир. Ва мен бу жараёнларни қўллаб-қувватлайман. Шунинг учун англаган ҳолда сайловда оила аъзоларим билан қатнашдик.



"Санъатдаги эркинлик учун"

Аваз ОХУН,
сўз устаси:

– Эрта тондан оила аъзоларим билан Тошкент туманидаги 552-сайлов участкасига бориб, ўз овозимизни бердик. Ҳаётим давомида кўп сайловларда иштирок этганман. Бу йилги сайловга пухта тайёргарлик қўрилгани, барча сайловчилар



учун қулайликлар яратилганидан қувондим.

Албатта, санъат вакиллари ҳам юртимиздаги сиёсий жараёнларда фаол. Айниқса, давлатимиз томонидан соҳада кўп имтиёзлар, шароитлар яратилганидан мамнунимиз. Бемалол ижодимизни қилиб юришимиз. Шундай юртда яшаётганимдан фахрланаман.

"МУНОСИБ НОМЗОДНИ САЙЛАДИМ"

Ҳидоят ая УРИНОВА,
100 ёш, Бекобод туманининг "Боғишамол" маҳалласида истиқомат қилади:

– Мен шу ёшгача ҳаётнинг пасту баландини кўп кўрдим. Умримнинг ярмидан кўпи далада ўтди. Уроқ ўрдим, кетмон чопдим, пахта тердим. Ҳалол меҳнат билан 8 нафар фарзандимни улағайтирдим. Аллоҳга шукр, шундай дорилмамон кунларни ҳам кўрялман. Эрталабдан сайлов участкасидан келишганда кўнглим тоғдек кўтарилди. Чунки мендай оддий қишлоқ аёлининг овози ҳам муҳимлигини ҳис қилдим. Юртимизнинг эртанги кунини, неварая эвараларимнинг келажаги учун овоз бердим. Илоҳим, Ватанимиз осуда, юртимиз янада обод, авлодларимиз бахтли бўлишсин!



ИККИ КАРРА ҚУВОНЧ

Зайнилобиддин ҚУДРАТОВ,
Пискент тумани бош имом-хатиби:

– Тумандошларимиз билан ҳаж ибодатларини адо этяпмиз. Ушбу муқаддас масканларда ўзбекистонликларга яратиб берилган шароитлардан одам фахрланади. Меҳмонхонада ташкил этилган 39-сайлов участкасида барча ҳо-жипаримиз йиғилиб, юртимиз тарихидаги муҳим сиёсий жараён – Ўзбекистон Республикаси Президенти сайловида қатнашиб, овоз бердик.



"ГАПИРА ОЛМАСАМДА, ЎЗ ОВОЗИМГА ЭГАМАН"

Юлдуз НАСРИДДИНОВА,
"Бекобод" маҳалласидаги 526-сайлов участкасида рўйхатга олинган сайловчи:

– Болаликдан ногиронлигим бор. Гапирала олмайман. Аммо бирор марта бу нуқсон билан жамиятда камситилмадим. Юртимизда ногиронлар учун барча шароит ва имкониятлар яратилган. Сайловда овоз беришим учун сайлов участкасидан сурдо-таржимон бириктирилди. Менинг танловим ҳам муҳим аҳамиятга эгаллигидан қувонган ҳолда сайловда иштирок этдим.



Ўткир ҲОШИМОВ,
"Тошкент ҳақиқати" мухбири
Жалолддин ЭСОНОВ олган суратлар

Президентимизнинг ҳар бир ислоҳоти замирида, аввало, хотин-қизларни қўллаб-қувватлаш, уларга муносиб шароит яратиш, муаммоларини ҳал этиш ғояси мужассам. Яратилган имкониятлардан қишлоғу шаҳар аёллари бирдек баҳраманд бўлишлари лозимлиги кўп бора уқтирилмоқда. Бу борада жойларда юритилаётган "Аёллар дафтари" яхши самара бермоқда.

Оққўрғон туманининг энг чекка қишлоғи – "Навбахор" маҳалласида асосан қишлоқ хўжалиги маҳсулотлари етиштирилади. Саноат унча ривожланмагани сабабли қўлида хунари бор хотин-қизлар бошқа туман ёки пойтахтга бориб ишлашга мажбур эди. Сўнги вақтларда туманда ишлаб чиқариш корхоналари, тикувчилик цехлари фаолияти йўлга қўйилган, қўллаб-қувватлашнинг бандлиги таъминланди. Шу маҳаллалик Феруза



Сойипова ҳам яратилган имкониятлар туфайли қишлоғида тикувчилик йўналишида кичик кооперация цехини ташкил этди.

Феруза 2 фарзандли оддий қишлоқ аёли. Туман ҳокимлиги мутасаддиларининг айтишича, мазкур қишлоққа санаотнинг кириб келаётганида Феруза сингари хотин-қизлар

Интилиш

нинг ҳиссаси катта бўлмоқда. У 6 ойда 20 нафар хотин-қизни иш билан таъминлашга эришди.

– Коллежни битиргач, ҳамширалик курсига қатнаб юрдим, – дейди Феруза. – Отанинг маслаҳати билан чеварга шогирдликка ҳам тушдим. Очиги, бошида қийналдим, удаллашимга кўзим

етмади. Аммо устозимнинг меҳр билан берган сабоқлари сабабли икки ойда парда тиқини ўрганиб олдим. Шушу тикувчилик билан шугўлланиб, келин сарполари, пардалар тиқиб, даромад топа бошладим. Вақти келиб, фаолиятимни кенгайтиришни истадим. Лекин бунинг йўли-йўғини тушунмасдим. Шунда маҳалла фаоллари ёрдам беришди: менга ёш тадбиркор сифатида 10 кишилик субсидия ажратиладиган бўлди. Ягона шарт "Аёллар" ва "Ёшлар дафтари" рўйхатидаги хотин-қизларни иш билан таъминлаш эди. Орадан бир ой ўтиб, 5 та тикув машинаси олдим. Ҳозирда 3 та машина билан 8 та бўлди. Орзуим ушалиб, кичик кооперация ташкил қилдик ва 10 нафар кам таъминланган хотин-қиз билан иш бошладик. Аввалига ички бозор учун болалар кийимлари тикдик. Ишимиз юришгач, катталар кийимига ўтдик.

Даромад ортгани сари Феруза цехни кенгайтириш ва кўпроқ иш ўрни яратишни уйлай бошлади. Туман ҳоким-

лиги унга қишлоқ маданият саройидан жой ажратиб берди. Тезда буюртмалар учун шартномалар тузилди. Ҳозир кичик тикувчилик цехида 20 нафар хотин-қиз ишлаяпти. Яқинда уларнинг сони 30 га етади. Чеварларнинг қўли-қўлига тегадими. Ютуқларидан завқланган Феруза бу билан чекланиб қолмоқчи эмас, тез орада яна 40-50 кишини иш билан таъминлаш ҳаракатида. Келгусида эса катта субсидия ажратиладиган бўлди. Феруза яхши тадбиркоргина эмас, сариштали уй бекаси ҳамдир. Қайнонаси Шохиста ая келинининг қаққонлиги, ҳар ишни удаллашдан мамнун. Улар оилавий 20 сотих ер олиб, деҳқончилик ҳам қилишмоқда. Қисқаси, хонадон эгаларининг бари ҳаракатда.

Нозима РАСУЛОВА,
"Тошкент ҳақиқати" мухбири

БИРИНИ ЎН ҚИЛГАН ҚИШЛОҚ АЁЛИ

Дарвоқе

ЭНДИ КИТОБ УЧУН ПУЛ ТЎЛАНМАЙДИ...

Президентнинг тегишли фармони билан бюджетдан ташқари Республика мақсадли китоб жамғармаси фаолияти расман тугатилди.

2022/2023 ўқув йилидан бошлаб мактаб дарсликларининг ижара тўловини тўлиқ Давлат бюджети маблағлари ҳисобидан қоплаш ҳамда ўқувчиларга дарсликларни бепул фойдаланишга бериш тизими жорий қилинди.

Бу йилдан бошлаб мактабларда ота-оналардан китоблар учун пул йиғилмайди.



СИНФ РАҲБАРИ ЎЗГАРМАЙДИ(МИ?)

Мактабларда 5 дан 11-синфга қадар ягона синф раҳбари тайинланиши лозим. Бу ҳақда халқ таълими вазирининг 2021 йил 22 февралда 41-сонли буйруғи билан тасдиқланган «Синф раҳбарлари фаолиятини ташкил этиш тўғрисида»ги низомида белгилаб қўйилган.

Бошланғич синфга тайинланган синф раҳбари 1-синфдан бошлаб 4-синфгача ўқувчиларга ягона раҳбар ҳисобланади. Худди шундай тартиб 5-синфдан 11-синфга қадар ҳам қўлланилади.

5-синфдан 11-синфгача ягона синф раҳбарининг бириктирилиши натижасида синфдаги ижтимоий муҳитни соғлом равишда ушлаб туриш имкони ҳамда ота-оналарда ўз фарзандларининг таълим-тарбия жараёнига нисбатан қизиқиши ортади.



